



**ՎԱՂԱՐՇԱՊԱՏԻ Մ.ԳՈՐԿՈՒ ԱՆՎԱՆ N 5 ԱՎԱԳ ԴՊՐՈՑ**

**ՀԵՐԹԱԿԱՆ ԱՏԵՍԱՎՈՐՄԱՆ ԵՆԹԱԿԱ ՈՒՍՈՒՑԻՉՆԵՐԻ  
ՎԵՐԱՊԱՏՐԱՍՏՈՒՄ**

## **Ավարտական հետազոտական աշխատանք**

**Թեման- Բնապահպանական աշխարհայացքի և արժեքային համակարգի  
ձևավորումը Զքիմիայի ուսուցման ժամանակ**

**Մասնակից՝ Անահիտ Մանուկյան**

**Դպրոց՝ « Լեոնամերձի հիմնական դպրոց»**

**Վերապատրաստող՝ Լուսինե Ղուկասյան**

**Վաղարշապատ 2022թ.**

## Բովանդակություն

1.Նախաբան .....	3
2.Գրականության ակնարկ .....	5
3.Գործնական համատեքստ .....	7
4.Հետազոտության ընթացք.....	11
5.Ամփոփում.....	17
6.Գրականություն.....	19

## 1. Նախաբան

Իրավացի է ասված, որ մարդու համար բնությունը և արհեստանոց է, և տաճար, իսկ մարդը նրանում և ակտիվ աշխատավոր է, և հրապուրված պաշտող: Նվաճելով բնությունը մարդը պետք է ամեն կերպ ձգտի ոչ թե ոչնչացնել բնությունը, այլ իրականացնել մարդկության երազանքը՝ լիակատար ներդաշնակության մեջ մտնել բնության հետ:

Էկոլոգիական աշխարհայացքը արտացոլվում է մարդու և բնության այժմյան փոխհարաբերությունների և մտածողության ամբողջությամբ: Էկոլոգիական մտածողության ամենատարածված ձևը, որը գերակայել է արդյունաբերության զարգացման սկզբնական շրջանից մինչև 19-րդ դարի երկրորդ կեսը, համարվում է մարդակենտրոն /անթրոպոցենտրիկ/ մտածողությունը, որը բնորոշվում է հետևյալ առանձնահատկություններով՝ մարդը վեր է ամեն ինչից, բնությունը մարդու սեփականությունն է:

1. Աշխարհը համաստորադաս կառուցվածք ունի, բրգաձև կառուցվածքի ամենաբարձր կենտրոնում մարդն է:

2. Բնության հետ փոխհարաբերությունները նպատակաուղղված են միայն մարդու պահանջմունքների բավարարմանը:

3. Ճիշտ և թույլատրելի է այն, որը բավարարում է մարդու պահանջմունքները:

4. Էթնիկ նորմերը և իրավունքները գործում են միայն մարդկային հասարակության մեջ և չեն տարածվում բնաշխարհի վրա:

5. Բնության զարգացման ամբողջ ընացքը պետք է ենթարկվի մարդկության զարգացմանը:

Այսպիսի մտածողությունը կարող է կործանարար լինել և այդ պատճառով ստեղծվել է նոր բնակենտրոն /էկոցենտրիկ/ մտածողություն, որի դրույթներն են՝

1. Բարձրագույն արժեք համարել մարդու և բնության ներդաշնակ զարգացմանը: Մարդը բնական համակեցության անդամ է:

2. Մերժել աշխարհի համաստորադասական /հիերարխիական/ կառուցվածքը:

3. Մարդու և բնական համակեցությունների պահանջների հավասար բավարարում:

4. Ճիշտ և թույլատրելի է այն, որը չի խաթարում բնական էկոլոգիական հավասարակշռությունը:

5. Էթնիկ նորմերը և իրավունքները հավասարապես տարածվում են և մարդկային հարաբերությունների, և բնական աշխարհի վրա:

6. Մարդու և բնության զարգացումը փոխշահավետ էվոյուցիայի միասնական ընթացք է:

Կարելի է ասել, որ աշխարհայացքի ձևավորման գործընթացը՝ որպես դաստիարակության հիմք, կոչված է ամրապնդելու անհատի էկոլոգիական դաստիարակության բազան, կարելի է ասել, որ սոցիալ-էկոլոգիական իդեալը՝ որպես բնական միջավայր և հասարակության փոխազդեցության վերաբերյալ որոշակի կացություն, մտնում է անձի աշխարհայացքի բովանդակության մեջ:

Դասընթացը կազմակերպվում է ակտիվ ուսուցման մեթոդներով: Հիմնական նյութը սովորողների կողմից յուրացվում է դասի ընթացքում: Դասի կազմակերպման հիմնական ձևերը տեսական և գործնական պարապմունքներն են:

Փամանակակից էկոլոգիան համարվում է ոչ միայն կենսաբանական, այլև սոցիալ-բնական համալիր գիտություն: Դրա գործնական ուսումնասիրության առարկան ներառում է մարդու գործառության բոլոր կողմերը:

3

Մարդը բնության մի մասն է: Նա իր կենսագործունեությամբ հազարավոր թելերով է կապված բնությանը: Մարդկության առաջ խնդիր է ծառայել՝ կարգավորելու, կայունացնելու, հավասարակշռելու իր հարաբերությունները բնության հետ: Ուստի և դրանք իրականացնելու նպատակով ստեղծվել է բնապահպանական կրթության մի ամբողջ համակարգ: Առողջ և մաքուր շրջակա միջավայր ունենալու խնդրով շահագրգռված են բոլորը, ուստի բնապահպանական խնդիրները վերաբերում են և փոքրերին, և երիտասարդությանը, և մեծերին: Այս շղթայում առաջին օղակը նախադպրոցահասակ երեխաների էկոլոգիական կրթությունն է: Այն թերևս ամենակարևորն է, քանի որ ամենավաղ տարիքում են ձևավորվում և ամրապնդվում մարդու համար հիմնական արժեքները, բարոյական նորմերը, որոնք էլ հետագայում բնության և շրջապատի նկատմամբ ճիշտ պահվածքի հիմքերն են դառնալու: Էկոկրթության նպատակն է՝ ձևավորել մոլորակի և սեփական երկրի կենսական շահերը պահպանող քաղաքացի, որն ընդունակ կլինի պահպանելու և համադրելու մարդկության շահերը և երկիր մոլորակի ողջ կենսոլորտը:

#### ՀԵՏԱԶՈՏՈՒԹՅԱՆ ՆՊԱՏԱԿԸ՝

- քիմիայի դասավանդման ընթացքում, որոշակի թեմաների համատեքստում, ձևավորել ճիշտ վերաբերմունք բնության պահպանության վերաբերյալ:
- Էկոլոգիական մշակույթի ձևավորում, երեխայի վարքում բնության հետ գիտակցված հարաբերությունների որոշակի մակարդակի ձևավորում,
- բնության, մարդկանց, իր կյանքում իր դերի նկատմամբ գիտակցված վերաբերմունքի մշակում,
- բնության նկատմամբ պատասխանատու վերաբերմունքի ձևավորում,
- երեխայի մեջ բնության պահպանման, բարելավման, զարգացման անհրաժեշտության գիտակցման դաստիարակում,
- երեխաների էկոլոգիական գիտակցության ձևավորում, որը պետք է հիմնվի նրա խոր հուզագգացմունքային փորձի վրա

Այսօր վճռորոշ նշանակություն է ստանում էկոլոգիական կրթության և դաստիարակության անհրաժեշտությունը: Այն հնարավորություն կտա մատաղ սերնդի ներկայացուցիչներին՝ մտահոգվելու և անհանգստանալու էկոլոգիական համամարդկային

հիմնահարցերով, կբարձրացնի պատասխանատվությունը շրջակա միջավայրի նկատմամբ և դրա պահպանության ուղղությամբ կմղի կոնկրետ գործունեության:

## 2. Գրականության ակնարկ

Էկոլոգիական գիտության զարգացման գործում հսկայական ներդրում ունի Չ.Դարվինը: Նա բացահայտել է կենդանի օրգանիզմների էվոլյուցիայի հիմնական գործոնները:

Գյոթեն ասել է. Տֆնությունը չի սիրում կատակներ, այն միշտ ճշմարիտ է, միշտ լուրջ, նա միշտ ճիշտ է, սխալները և թյուրիմացությունները գալիս են մարդուց|:

Էկոլոգիական դաստիարակություն- Նպատակաուղղված է բնապահպանական ակտիվ դիրքորոշում ձևավորել հասարակության մեջ: Էկոլոգիական դաստիարակությունը անհրաժեշտ է բոլորի համար:

Խնդրի բարդությունը ենթադրում է, որ դրա լուծումը երկարատև, հետևողական գործընթաց է և պայմանավորված է հասարակությանը նոր կրթական ազդակ հաղորդելու գործոնով: Սույն խնդրի լուծումը, մեր խորին համոզմամբ, պետք է սկսել անհատի սոցիալականացման ամենավաղ շրջանից, ուսուցման սկզբնական փուլից:

Էկոլոգիական գիտելիքները լինում են երեք ուղղվածության.

Կենսաբանական բնույթի` դրանք բնութագրում են կենդանի օրգանիզմների բազմազանությունը /ջրային, օդային, երկկենցաղ, ցամաքային/, նրանց յուրահատկությունները /արտաքին տեսքը, վարքը/, կենսակերպը:

Սոցիալական բնույթի` դրանք ներկայացնում են Տմարդ-բնություն| փոխհարաբերությունները /բնությունը և ես, մարդիկ և շրջակա միջավայրը, շրջակա միջավայրը և առողջությունը, բնական պաշարները/:

Կիրառական բնույթի` որոնք ուղղված են բնապահպան գործունեության գիտակցմանը /ինչ է արգելոցը, ինչի համար է ՏԿարմիր գիրքը|, ինչու են աստիճանաբար վերանում բույսերի և կենդանիների որոշ տեսակներ/:

Հիմնական գաղափարները, որոնց վրա հիմնվում է ծրագիրը  
Գիտական - կենսաբանության, ֆիզիկայի, քիմիայի և էկոլոգիայի հիմնական օրենքները, դրանց միասնությունը, կենդանական աշխարհի կապի անխզելիությունը, կենդանի օրգանիզմի կախվածությունը շրջապատող բնությունից և նրա ազդեցությունը էկոհամակարգի վրա:

Մանկավարժական - Այս տարիքում դեռահասների մոտ դեռևս բավարար չափով ձևավորված չեն ինքնուրույն գործողությունների հմտությունները: Այդ պատճառով հանձնարարությունները պետք է այնպիսի բովանդակություն ունենան, որ սովորողներից պահանջվող խնդիրները կարողանան լուծել և որը կբարձրացնի նրանց ինքնագնահատումը:

Սոցիալական - Տեխնիկայի սրբնթաց զարգացմանը զուգահեռ շատ կենդանի օրգանիզմների գոյությունը դրված է վտանգի տակ: Այդ պատճառով էկոլոգիական խնդիրները իրենցից մեծ վտանգ են ներկայացնում հասարակության, նրա ֆիզիկական և հոգեբանական առողջության համար:

Ծրագրի նպատակները և խնդիրները.

### Նպատակները.

- նպաստել հասկանալու էկոլոգիայի գլոբալ խնդիրների էությունը,
- սովորողներին նախապատրաստել աշխարհայացքի ինքնուրույն ընտրության,
- զարգացնել էկոլոգիական խնդիրները լուծելու ունակությունը,
- դաստիարակել քաղաքացիական դիրքորոշում և պատասխանատվություն մարդկության և բնական միջավայրի նկատմամբ:

5

### Խնդիրները.

- կրթական,
- զարգացնող,
- դաստիարակչական:  
Ուսուցումն ըստ ծրագրի հիմնվում է հետևյալ սկզբունքների վրա.
- ակնհայտության սկզբունք,
- հասանելիության սկզբունք,
- անընդհատության և հաջորդականության սկզբունք,
- գիտակցության և ակտիվության սկզբունք,
- կայունության սկզբունք,
- հումանիզմի սկզբունք,
- անհատական-անձնային մոտեցման սկզբունք:

### 3. Գործնական համատեքստ

Էկոլոգիական մշակույթը մարդկային մտածողության և բնական պայմանների համալիր ամբողջությունն է, քաղաքակիրթ վերաբերմունքը շրջակա միջավայրի նկատմամբ: Էկոլոգիական ճանաչողական դաստիարակությունը ավագ սերնդի կողմից դաստիարակության, կրթության, բարոյական որակների ու հոգևոր այլ արժեքների փոխանցումն է մատաղ սերնդին: Նրանց մեջ ձևավորել բնության նկատմամբ պատասխանատու վերաբերմունք, բնօգտագործման կարողություններ ու հմտություններ: Էկոլոգիական դաստիարակության հիմնական նպատակը դառնում է բնության նկատմամբ արժեքային ճիշտ կողմնորոշումների, բնապահպանական ընդունակությունների, պատասխանատու վերաբերմունքի, բնության մեջ ճիշտ վարքագծի ունակությունների դրսևորումը և էկոլոգիական կուլտուրայի ձևավորումը: Այսինքն՝ էկոլոգիական ճանաչողական դաստիարակություն ասելով հասկանում ենք երեխային կենդանի և անկենդան աշխարհի, տարրերի և բնական երևույթների հետ ծանոթացնելով, ուսուցանել, դաստիարակել և գործընթացի ամբողջական միասնությամբ զարգացնել երեխայի էկոլոգիական կուլտուրայի և աշխարհայացքի ձևավորումը:<sup>1</sup>

Ի հաշիվ բնական գործընթացների որոշ պաշարներ օրինակ՝ մաքուր ջուրը, օդը, հողը, բույսերը, կենդանիները վերականգնվում են արագ: Մարդկության գլխավոր խնդիրն է, որ վերականգնվող պաշարները ծախսվեն բնական գործընթացով դրանց վերականգնումից ավելի դանդաղ: Իսկ չվերականգնվող պաշարները՝ մետաղները, բնական գազը, ածուխը, նավթը կարող են ամբողջությամբ սպառվել:

Հայաստանում էկոլոգիական առկա իրավիճակը ժողովրդական լայն շերտերի էկոլոգիական գիտելիքների պակասի արդյունք է, ուստի տրամաբանական է, որ այս խնդրի լուծման ուղիներից ամենաափսնականը մարդկանց էկոլոգիական դաստիարակության իրականացումն է:

Էկոլոգիական դաստիարակության նպատակը կարելի է դիտարկել տարբեր տեսանկյուններից՝

ա) սոցիալական, որն արտահայտում է հասարակության պահանջը դաստիարակության նկատմամբ,

բ) անհատական-անձնային, որին հասնելու համար կարևոր նշանակություն է ձեռք բերում անձի էկոլոգիական գիտակցության էկոկենտրոն տեսակը, էկոլոգիական

---

1. Ասատրյան Լ.Թ.,Ա. Մարգարյան-«Նախադպրոդական և կրտսեր դպրոցական տարիքի երեխաների էկոլոգիական կրթությունն ու դաստիարակությունը», Երևան, 2002թ. մտածողության և էկոլոգիական պատասխանատվության ձևավորումը:

Էկոլոգիական դաստիարակությունը մանկավարժական գործընթացի մի մասն է, և նրա համալիր բնույթից էլ բխում են նրա հիմնախնդիրները.

- «մարդ-հասարակություն-բնություն» ամբողջական համակարգի նկատմամբ դպրոցականների անհատական վերաբերմունքի, բնության հետ շփվելու պահանջմունքի, պատասխանատվության և էկոլոգիական աշխարհայացքի ձևավորում:

- նրանց անձնական մասնակցությունը այդ համակարգի գործունեությանը,
- էկոլոգիական գիտակցության և էկոլոգիական կուլտուրայի ձևավորում,
- բնության հետ հարաբերությունների կարգավորում,
- բնապահպանական գործունեության դրդապատճառների և դիրքորոշումների ձևավորում՝ ուղղված բնության բազմակողմանի արժեքների գիտակցմանը,
- բնության խնայողության անհրաժեշտության համոզմունքների ձևավորում,
- իր և ուրիշների առողջության՝ որպես հասարակական արժեքի պահպանման նկատմամբ հոգատար վերաբերմունքի ձևավորում,
- էկոլոգիական իրադրության ամբողջական պատճառահետևանքային վերլուծություն,
- էկոլոգիական գաղափարների քարոզչություն,
- շրջակա միջավայրի գեղագիտական ընկալում և գնահատում:<sup>2</sup>

Դպրոցականների էկոլոգիական դաստիարակության գործընթացն իրականացնելու համար անհրաժեշտ է հաշվի առնել նրա առանձնահատկությունները.

- ա) բազմատեսակյունությունը
- բ) համալիրությունը
- գ) անձնային-անհատական բնույթը:

Այսպիսով էկոլոգիական դաստիարակությունն ուղղված է դպրոցականների մեջ բնության, շրջակա միջավայրի մասին հասկացությունների ձևավորմանը, գիտելիքների հարստացմանը, բնության հետ ներդաշնակվելու ձգտման որակների դաստիարակման, դա էլ իր հերթին հարստացնում և ապահովում է ընդհանուր դաստիարակության ողջ գործընթացը: Այն պետք է իրականացնել սկսած վաղ մանկական տարիքից՝ ընտանիքում, նախակրթական հաստատություններում, հանրակրթական դպրոցներում և արտադպրոցական հիմնարկներում:

Դպրոցականների էկոլոգիական դաստիարակության իրականացման առաջնային գործոնը էկոլոգիական կրթությունն է, որը տրվում է ուսումնական արարկանների՝ բնագիտության, բուսաբանության, կենսաբանության, աշխարհագրության, գրականության և այլ առարկաների միջոցով:

Երկրորդ գործոնը՝ բնության, շրջակա միջավայրի ուսումնասիրման բնապահպանական հատուկ խմբերում և ընկերություններում:

Էկոլոգիական դաստիարակության խնդիրներն են.

---

2. Ասատրյան Լ.Թ «Էկոլոգիական դաստիարակության հիմունքներ» Երևան 2003թ.

ա) դպրոցականների կողմից այն առաջատար գաղափարների և հիմնական հասկացությունների և գիտելիքների յուրացումը, որոնց հիման վրա բնության օրենքներին համապատասխան որաշակիացվում է մարդու ներգործությունը բնության վրա,

բ) բնության սոցիալ-տնտեսական, առողջարահիգիենիկ և հոգևոր գեղագիտական արժեքների իմացությունը,



- զ) սովորողների բնաճանաչողական ընդունակությունների, բնապահպանական կարողությունների և հմտությունների ձևավորումը և զարգացումը,
- դ) բնական միջավայրի ստեղծագործական վերափոխման ունակությունների մշակումը՝ բնության հավասարակշռությունը վերականգնելու առումով, բնապահպանական գաղափարների քարոզչությունը,
- ե) բնության նկատմամբ ակտիվ դիրքորոշման, վարքի նորմաների պահպանումը, պարտքի և պատասխանատվության զգացման պատվաստումը:

«Էկոլոգիական գիտակցություն» հասկացության ներբովանդակային բնութագիրը փորձել են տալ ռուս գիտնականներ Ս.Դ. Դերյաբոն, Ե.Խ. Եվտուշենկոն, Ի.Դ. Ջվերևը և ուրիշներ: Նրանցից յուրաքանչյուրը տվել է «Էկոլոգիական գիտակցություն» հասկացության առանձին բաղադրիչների գիտական բնութագրումը, սակայն մինչ այսօր, դեռևս այդ հասկացությանը լիարժեք սահմանում չի տրված, և հիմնահարցը կարիք է զգում խոր գիտական բացահայտման:

«Էկոլոգիական գիտակցություն» հասկացությունը կարևոր աշխարհայացքային դեր է կատարում:

Մանկավարժական փորձից և գիտական հետազոտությունների արդյունքներից՝ փորձենք տալ «Էկոլոգիական գիտակցության» հասկացության սահմանումը: Էկոլոգիական գիտակցությունը հոգեկան երևույթ է, որը իրենից ներկայացնում է անձի՝ «մարդ-բնություն-հասարակություն» հարաբերակցության, նրանց բազմաբնույթ կապերի, շարժման ու փոխներգործության օրենքների օրինաչափությունների մասին գիտելիքների, հայացքների, համոզմունքների համակարգը և որը հիմք է ծառայում բարոյական վարքի արժեքային դիրքորոշումների, բնության ընկալման, բնապահպանական ու բնաճանաչողական ընդունակությունների, վարքագծի ձևավորման համար:

Էկոլոգիական գիտակցությունը ձևավորվում է ոչ միջնորդավորված՝ տարերայնորեն և միջնորդավորված՝ նպատակադրված դաստիարակության ու կրթության միջոցով:

Հասարակության զարգացման առաջընթացը ավելի ու ավելի նեժ մասշտաբով է վերափոխում բնությունը, մեծացնում մարդու իշխանությունը վերջինիս նկատմամբ: Սակայն միշտ չէ, որ նվաճելով բնությունը՝ մարդը մտահոգվում է դրա բացասական հետևանքներով, որոնք առայժմ մեծ չափերի են հասել: Դեռևս 70-ական թվականներին Էնգելսը կանխագուշակում էր. «Շատ էլ չհրապուրվենք բնության նկատմամբ մեր տարած հաղթանակներով: Յուրաքանչյուր այդպիսի տարած հաղթանակի համար նա մեզնից վրեժխնդիր է լինում: Այդ հաղթանակից յուրաքանչյուրը, առաջին հերթին, ունենում է այն հետևանքները, որ մենք նկատի ենք առել, բայց երկրորդ ու երրորդ հերթին ունենում է միանգամայն այլ, չնախատեսված հետևանքներ, որոնք շատ հաճախ ոչնչացնում են առաջինների

նշանակությունը... Եվ այսպես՝ յուրաքանչյուր քայլափոխում փաստերը մեզ հիշեցնում են, որ մենք ամենևին էլ բնության վրա չենք իշխում այնպես, ինչպես նվաճողն է իշխում օտար ժողովրդի վրա...»:

Ոռոգելով անապատները, չորացնելով ճահիճները, փոխելով գետերի հոսանքը, մարդը փոխում է նաև կյանքի կլիմայական պայմանները: Կլիմայի վրա անուղղակի ազդեցություն է թողնում նաև արտադրությունը, քանի որ նավթի, ածխի ու տորֆի այրման ժամանակ տարեկան մթնոլորտ է բարձրանում մոտ 1.5 միլիարդ տոննա ածխածին, իսկ օդում ածխածնի պարունակությունից է կախված երկրի մակերեսի ջերմությունը: Օդը, գետերը, ծովերը գնալով ավելի մեծ չափերով են աղտոտվում, հողը թունավորվում է քիմիկատներով, անտառներն ու կենդանական աշխարհը կործանվում են մոնոպոլյաների տիրապետության հետևանքով: Արդյունաբերական ձեռնարկությունները գետերը, լճերն ու ծովերն են թափում հարյուրհազարավոր տոննա քիմիական զանազան նյութեր ու նավթամթերքներ: Դրա հետևանքով ջրերը աստիճանաբար կորցնում են թթվածինը, որը հանգեցնում է կենդանական աշխարհի ոչնչացմանը:

Յուրաքանչյուր մարդ պատասխանատվություն է կրում բնության պահպանման համար, քանի որ ամեն մեկը իր հնարավորությունների և ուժերի սահմաններում կարող է աջակցել բնության թեկուզ շատ աննշան մի անկյան պահպանմանը և բազմացմանը: Վերջին հաշվով մարդկանց անհատական ջանքերի գումարից է կախված բնության պահպանումը և մարդու գոյության համար բնական միջավայրի ապահովումը: Իրավացի է ասված, որ մադու համար բնությունը և արհեստանոց է, և տաճար, իսկ մարդը նրանում և ակտիվ աշխատավոր է, և հրապուրված պաշտող: Նվաճելով բնությունը մարդը պետք է ամեն կերպ ձգտի ոչ թե ոչնչացնել բնությունը, այլ իրականացնել մարդկության երազանքը՝ լիակատար ներդաշնակության մեջ մտնել բնության հետ

#### 4. Հետազոտության ընթացք

Բնության հետ ծանոթացման հզոր մեթոդներ են փորձարկումները, նպատակային փորձերը և պլանավորված հետազոտությունները: Էկոլոգիական դաստիարակության գործնական մեթոդների դերն անգնահատելի է բնության երևույթների մասին կայուն գիտելիքների և պատկերացումների ձևավորման գործում:

Սովորողների ուսուցումը իրագործվում է տարբեր մեթոդներով, որոնց ընդհանրությունը կախված է դասի ձևից և հիմնական խնդիրներից, արդյունքում ձևավորվում են նախնական գիտելիքներ: Հաջորդ դասի ընթացքում ճշտվում, ընդարձակվում և խորացվում են գիտելիքները:

Էկոլոգիական դաստիարակությանն ուղղված պարապմունքները բաժանվում են 3 խմբի: Դրանք են՝

Ծանոթացում

Խորացում

Ընդհանրացում:

Հետազոտական աշխատանք կատարելու համար ընտրվել է Շահումյանի միջնակարգ դպրոցի 12-րդ դասարանը: Թեման ընտրվել է խիստ արդիական լինելու և աշակերտների մոտիվացիայի բարձրացման ու թեմայի լիակատար յուրացման համար:

Հետազոտությունը կատարվել է 4 հաջորդաբար ընթացող դասաժամերի ընթացքում և ուսումնասիրվել է նյութի յուրացումը և աշակերտների գիտելիքների կուտակումը այդ ժամանակամիջոցում:

Առաջին դասաժամի թեման էր «Շրջակա միջավայրի աղտոտման բնական և արհեստական պաշարները»։ Մյուս թեման՝ «Ջուրը որպես կարևորագույն բնական պաշար: Ջրի աղտոտման պատճառները», հաջորդը՝ «Խմելու ջրի համամոլորակային հիմնախնդիրները» և վերջում՝ «Մթնոլորտի քիմիան»:

Դասի սկզբին աշակերտները բաժանվեցին 4 խմբերի և յուրաքանչյուր խմբին ուղղվեց հարցեր: Հավելված 2, հավելված 4, հավելված 6, հավելված 8: Հարցադրումների միջոցով ստեղծվեց մի իրավիճակ, որը պահանջում էր պրոբլեմային լուծում: Կարճ ժամանակում յուրաքանչյուր խումբ պատասխանեց իրենց առաջադրված հարցերին: Պատասխանները գոհացուցիչ չէին: Էկոլոգիական գործունեության ձևավորման մակարդակներն էին՝ ցածր, միջին և բարձր: Բարձր մակարդակը 4 խմբերից ոչ մի խումբ չէր հաղթահարել, միջին մակարդակը հաղթահարել էր 1 խումբ, այսինքն՝ աշակերտների 25 %-ը:

Շրջակա միջավայրի աղտոտման հիմնահարցի լուծումը բավականին բարդ է: Կարելի է կարծել, թե բավարար կլինի բուն աղտոտման աղբյուրի վերացումը: Սակայն անհնար է պատկերացնել, թե ժամանակակից ապրելակերպի վրա տնտեսական ինչ հետևանքներ կլրողներ նավթահանման լրիվ դադարեցումը: Արհեստական աղտոտումը կապված է երկրի բնակելի մասի վրա մարդու ծավալած գործունեության հետ: Տարբերում են քիմիական, կենսաբանական, ճառագայթային,

Էլեկտրամագնիսական, ջերմային արհեստական աղտոտումներ, որոցից բնականոն գործընթացները որոշակի փոփոխություններ են կրել, ինչն էլ հիմնականում կապված են մարդու կողմից բնական պաշարների անխնա օգտագործման հետ:

Ի հաշիվ բնական գործընթացների որոշ պաշարներ օրինակ՝ մաքուր ջուրը, օդը, հողը, բույսերը, կենդանիները վերականգնվում են արագ: Մարդկության գլխավոր խնդիրն է, որ վերականգնվող պաշարները ծախսվեն բնական գործընթացով դրանց վերականգնումից ավելի դանդաղ: Իսկ չվերականգնվող պաշարները՝ մետաղները, բնական գազը, ածուխը, նավթը կարող են ամբողջությամբ սպառվել:

Դասի նպատան էր աշակերտներին բացատրել, որ շրջակա միջավայրն աղտոտող նյութի ազդեցությունը կախված է դրա կոնցենտրացիայից, և ցանկացած աղտոտող նյութ անվնաս է, եթե դրա կոնցենտրացիան չի գերազանցում մի որոշակի մեծություն, որն անվանվում է սահմանային թույլատրելի կոնցենտրացիա՝ ՄԹԿ:

Հայաստանում Էկոլոգիական առկա իրավիճակը ժողովրդական լայն շերտերի Էկոլոգիական գիտելիքների պակասի արդյունք է, ուստի տրամաբանական է, որ այս խնդրի լուծման ուղիներից ամենահիմնականը մարդկանց Էկոլոգիական դաստիարակության իրականացումն է:

Աշակերտների հետ քննարկվեց նաև այն հարցը, թե ինչ դրական և բացասական հետևանքներ ունեցավ 1990-ական թվականներին ՀՀ-ում քիմիական գործարանների փակվելը:

Աշակերտները այս հարցի շուրջ ներկայացրեցին կարճ ռեֆերատներ, որտեղ պատասխանեցին այն հարցին, թե իրենցից յուրաքանչյուր ինչպես կլուծեր այս հարցը:

<<Շրջակա միջավայրի աղտոտման բնական և արհեստական պաշարները>> թեմայի յուրացման նվազագույն պահանջներն են՝ տարբերել շրջակա միջավայրի վերականգնվող և չվերականգնվող պաշարները: Աշակերտները թեման յուրացնելուց հետո օրինակներ են բերում և լուծում վարժություններ:

Հաջորդ դասաժամին՝ <<Ջուրը որպես կարևորագույն բնական պաշար, ջրի աղտոտման պատճառները>> թեմայի քննարկման ժամանակ խնդիր էր դրված գրույցի միջոցով գիտելիքներ տալ բնության մեջ և կենցաղում ջրի նշանակությանը, զարգացնել վերապատմելու կարողությունը, սովորեցնել՝ լսածը կապել բնության մեջ տեղի ունեցող երևույթների հետ, դաստիարակել խնայող վերաբերմունք բնության նկատմամբ և ձևավորել սովորողների Էկոլոգիական մտածելակերպը:

Հարցնել՝

- Ինչ նշանակություն ունի ջուրը բնության մեջ:
- Ինչ նշանակություն ունի ջուրը մարդու կյանքում:
- Ինչ կլինի մարդկանց, կենդանիների, բույսերի հետ, եթե ջուր չլինի:
- Ինչ գույն ունի ջուրը,
- Ինչ համ ունի ջուրը,
- Ինչ հոտ ունի ջուրը
- Ինչ կլինի, թեթ երկու օր ջուր չիամենք:
- Ինչու են ասում << Խնայեք ջուրը>>:

Բացատրել, որ առանց ջրի մարդն ապրել չի կարող: Եթե մարդիկ մի քանի օր ջուր չլսեն, կթուլանան, կհիվանդանան, կմահանան: Ջրի պաշարները բնության մեջ անսպառ չեն: Մարդիկ խմելու ջուրը վերցնում են քաղցրահամ լճերից կամ լեռների ակունքներից հոսող ջրից: Հատուկ տեխնոլոգիական միջոցներով մաքրում են այդ ջրերը օրգանիզմի համար վնասակար մասնիկներից և օգտագործում կենցաղում՝ խմելու, ճաշ, հյուրեր պատրաստելու, լողանալու համար: Հայաստանում խմելու ջուրը վերցնում են բարձր լեռներից հոսող ջրերից և Սևանա լճից, քանի որ Սևանա լիճը քաղցր համ ունի: Ծովերի ջրերը աղի համ ունեն և խմելու չեն:

Ջուրը պետք է խնայողաբար օգտագործել. չի կարելի ծորակը բաց թողնել և թույլ տալ, որ ջուրը անտեղի հոսի: Ջրի պաշարները անսպառ չեն՝ անխնա օգտագործելու դեպքում դրանք կարող են պակասել: Չի կարելի կեղտոտել Սևանա լճի շրջակայքը, ջրի մեջ թուղթ, պլաստիկ շշեր նետել: Պետք է պահպանել բնությունը:

- Ջուրը կյանք է: Կյանքդ ջրի նման երկար լինի: Ջուրը մտնողը թրջվելուց չի վախենա:

Դասի քննարկման ժամանակ պարզաբանվեց, թե որն է կոչվում ջրուրտ և ձևակերպվեց ջրուրտի բաղադրիչները, տարբերեցին ստորերկրյա և մակերևույթային ջրերը: Սովորողները քննարկեցին կեղտաջրերի տեսակները և աղտոտված ջրի մաքրման եղանակները, նշվեց, որ ջուրը մաքրվում է ջրի գոլորշացմամբ և խտացմամբ, ինչպես նաև սառույցի փոխարկվելով և հալվելով:

Թեմայի քննարկման ժամանակ կարևորվեց Սևանա լճի դերը, քանի որ այնտեղ կուտակված է հանրապետության ջրային պաշարների 70%-ը: Հետևաբար որպես բնապահպանական գերակայություն ՀՀ կառավարությունը ճանաչել է Սևանա լճի հիմնախնդիրը:

Դասի ավարտին հիշեցվում է, որ մեզանից յուրաքանչյուրը բնության մի մասնիկն է և չի կարելի անխնա օգտագործել բնության բարիքները, այդ թվում և ջուրը, քանի որ այն անսպառ չէ և մեր անտեղի օգտագործումը կարող է նպաստել նրան, որ մենք խնելու ջուր անգամ չունենանք: Այդ պատճառով մենք պետք է սիրենք, պահենք և պահպանենք բնութ-յան բոլոր բարիքները:

Աշակերտները գնահատվեցին՝ <<8>> - 1 աշակերտ, <<7>> - 3 աշակերտ:

Հաջորդ դասի քննարկման ժամանակ սովորողները պարզեցին, թե ո՞ր ջուրն է համարվում պիտանի խմելու համար և որտեղից ու ի՞նչ ճանապարհով են այն ստանում և օգտագործում: Քննարկվեց խմելու ջրի համամոլորակային հիմնախնդիրները: Աշակերտները գնահատվեցին <<8>> - 3 աշակերտ, <<6>> - 4 աշակերտ:

4-րդ թեման <<Մթնոլորտի քիմիան>> էր: Դասի ժամանակ աշակերտները քննարկեցին մթնոլորտը որպես Երկիր մոլորակի օդային թաղանթ և յուրօրինակ պաշտպանիչ <<Մուշտակ>>:

Աշակերտները քննարկեցին թթվածնի դերը շնչառության պրոցեսում և ֆոտոսինթեզի էությունը: Բացատրվեց արեգակնային էներգիայի բաշխումը Երկիր մոլորակում:

Անդրադարձվում է տիեզերք՝ 30%,

Կլանվում է և փոխակվում ջերմային էներգիայի՝ 47%,

Ծախսվում է ջրի շրջապտույտի վրա՝ 23%,

Ծախսվում է օդի շարժման վրա (քամի)՝ 0,2%,

Ծախսվում է լուսասինթեզի վրա՝ 0,02%:

Աշակերտները վերջին ժամին նորից բաժանվեցին 4 խմբերի և պատասխանեցին հարցերին:

Արդյունքում 2 խումբ հաղթահարեց բարձր մակարդակը, իսկ 2 խումբ՝ միջին մակարդակը:

Վերջում արդեն ներկայացնում ենք Ձեզ հետազոտական աշխատանքից ստացված արդյունքները: Արդյունքում բացահայտվել են աշակերտների էկոլոգիական մտածելակերպի չափորոշիչները, որոնք արտահայտվել են 3 մակարդակներում՝ ցածր, միջին և բարձր:

Էկոլոգիական գործունեության ձևավորման մակարդակները	Աշակերտների քանակը	
	Սկզբնական	Վերջնական
Ցածր	3 խումբ (75%)	0
Միջին	1 խումբ (25%)	2 խումբ (50%)
Բարձր	0	2 խումբ (50%)

**Ցածր** մակարդակին համապատասխանում են աշակերտների էկոլոգիական մտածելակերպի հետևյալ չափանիշները՝

1. Էկոլոգիական մտածելակերպի մոդելների բացակայություն:
2. Հիմնախնդիրների վերաբերյալ ոչ համալիր մոտեցում:

**Միջին** մակարդակին համապատասխանում են հետևյալ չափորոշիչները՝

1. Էկոլոգիական վարքի մոդելների յուրացման նախատրամադրվածություն:

.....

2. Հիմնախնդիրներին ոչ լիարժեք մոտեցում

**Բարձր** մակարդակին համապատասխանում են աշակերտների հետևյալ չափորոշիչները՝

1. Էկոլոգիական վարքի ճանչողական մոդելների գիտակցում:
2. Էկոլոգիական վարքի մոդելների յուրացման հանդեպ հետաքրքրության և դրական վերաբերմունքի դրսևորում:

Դպրոցականների էկոլոգիական մտածելակերպի ձևավորման ուղղությամբ աշխատանքների իրականացման արդյունքում փոխվեցին փորձարկվողների էկոլոգիական գիտելիքների մակարդակը, շրջապատող միջավայրի՝ բնության երևույթների և առարկաների փոխհարաբերությունների ընկալման մակարդակը: Պետք է նշել, որ, եթե աշխատանքների սկզբում աշակերտների քանակը, որոնք տիրապետում էին որոշակի գիտելիքների էկոլոգիական դաստիարակության ուղղությամբ՝ 20 աշակերտից միջին մակարդակը կազմում էր 5-ը (25%), ապա կատարած փորձարարական աշխատանքից հետո բարձր մակարդակ ցուցաբերեցին՝

10 աշակերտ, միջին մակարդակ ցուցաբերեցին ևս 10 աշակերտ: Այսպիսով  
Էկոլոգիական դաստիարակության մակարդակն ավելացավ 75%-ով:

.....

Սովորողների Էկոլոգիական մտածելակերպի ձևավորման գործընթացը փոխկապակցված է մարդու Էկոլոգիայի տեսության հետ: Բանն այն է, որ մարդը բնության մեջ զբաղեցնում է իր ուրույն տեղը, ունի շրջակա միջավայրի հետ փոխազդեցության տարբեր մակարդակներ: Դրանցից յուրաքանչյուրում մարդու և շրջապատող միջավայրի փոխազդեցությամբ ձևավորում է անհատին որպես անձ՝ իր բոլոր արժեքներով: Այդ համակարգի մակարդակներն են միկրոհամակարգը, մեզոհամակարգը, էկոհամակարգը և մակրոհամակարգը:

1. Միկրոհամակարգը, այն միջավայրն է, ուր երեխան իր անմիջական գործունեությամբ փոխազդեցության մեջ է մտնում շրջապատի հետ: Երեխային շրջապատող մեծահասակները ներազդում են երեխայի, իսկ երեխան իր ֆիզիկական, անձնային հատկանիշներով և ունակությամբ փոխազդում է մեծերի վրա, դրանով իսկ ձևավորում մեծահասակների վարքը իր անձի նկատմամբ:

2. Մեզոհամակարգը միկրոհամակարգի և երեխայի շրջակա միջավայրի փոխազդեցությունն է (ընտանիք, մանկական հիմնարկ, հասակակիցներ):

3. Էկոհամակարգը երեխային շրջապատող այն միջավայրն է, որտեղ երեխան անմիջական փոխազդեցության մեջ չի մտնում շրջապատի հետ, սակայն այն ներազդում է երեխայի վրա (հեռավոր ազգականներ, մանկական համաբուժարան, ծնողների աշխատավայր):

4. Մակրոհամակարգը նախորդ բոլոր համակարգերի գաղափարական ընդհանրությունն է, որն իր մեջ ներառում է անձի դաստիարակության ու կրթության խնդիրներ (մշակույթ, օրենքներ, սովորույթներ, արժեքներ):<sup>3</sup>

Երեխային շրջապատող միջավայրի Էկոլոգիական համակարգի բոլոր մակարդակները միմյանց և երեխայի հետ գտնվում են փոխազդեցության մեջ և նպաստում նրա անձի ձևավորմանը:

Էկոլոգիական բնույթի գործողություններում երեխայի մոտ ձևավորվում են աշխարհի մասին ընդհանուր պատկերացումներ, որոնց շնորհիվ նա ճշգրտում է իր տեղը բնության մեջ: Այս գործընթացում կարևոր դեր է խաղում անձի« մարդ-բնություն-հասարակություն համակարգի մասին եղած հայացքների համակարգը, որտեղ վճռական և կարգավորող գործոնը անհատի արժեքային վերաբերմունքն է: Բնության և հասարակության միջև եղած ներդաշնակ հարաբերությունների ձևավորումը պահանջում է ներդաշնակ զարգացած անհատի դաստիարակությունը, որը իր հերթին պահանջում է աշխարհայացքի Էկոլոգիականացում:

Էկոլոգիական դաստիարակության կարևորագույն մանկավարժական պայմաններն են. Էկոլոգիական զարգացնող միջավայրի կազմակերպումը, Էկոլոգիական աշխատանքի պլանավորումը և Էկոլոգիական դաստիարակության տեխնոլոգիաների առկայությունը: Էկոլոգիական դաստիարակության արդյունքում երեխան սովորում է

սիրելի բնությունը և խնամքով վերաբերվել նրան, հասկանում է բնության բոլոր օղակների փոխադասման ավորվածությունը և գիտակցում պահպանման գործունեության անհրաժեշտությունը:

Էկոլոգիական դաստիարակության հիմնական դրույթներն են՝

1. Մարդը պատասխանատու է կենդանական և բուսական աշխարհի կենսաբազմազանության պահպանման համար:

3. Веретникова С.А.-“Ознакомления дошкольника о природой”

2. Բնությունը օրգանական աշխարհի բնօրրան է:

- Բնությունը անվերջ է և անսահման:

- Մարդ-բնություն փոխհարաբերությունները պետք է հավասարակշռված և ոչ թեթևամական լինեն:


3. Որքան կենսոլորտը բազմազան է, այնքան կայուն է:

4. Էկոլոգիական ճգնաժամերը առաջանում են բնության վրա մարդու անթույլատրելի և ոչ հավասարակշիռ գործողություններով:

5. Համամոլորակային էկոլոգիական մտածողության ձևավորումը անհրաժեշտություն է: Երկիրը մարդկության տունն է:

6. Մարդկությունը պետք է խնայողաբար և էկոլոգիապես անվտանգ օգտագործի բնական ռեսուրսները:

Էկոլոգիական մշակույթը մարդկային մտածողության և բնական պայմանների համալիր ամբողջությունն է, քաղաքակիրթ վերաբերմունքը շրջակա միջավայրի նկատմամբ:





Հետազոտական աշխատանքից ստացված արդյունքները վկայում են այն մասին, որ աշակերտների մոտ կատարած փորձարարական աշխատանքից հետո էկոլոգիական դաստիարակության ցածր մակարդակը 75%-ից դարձավ 0%, միջին մակարդակը՝ 25%-ից դարձավ 50%, իսկ բարձր մակարդակը՝ 0%-ից դարձավ 50%:

16

## 5. Ամփոփում

Ժամանակակից էկոլոգիան դուրս է եկել կենսաբանական գիտության սահմանից և ներառել է գիտության գրեթե բոլոր ոլորտները: Կարելի է հաստատել, որ բնական, տեխնիկական և հասարակական գիտությունները այժմ <<էկոլոգացված>> են: Մարդկային հասարակության և բնության բարդ փոխհարաբերությունների ուսումնասիրությունները էկոլոգիական հիմնարար խնդիրներից են: էկոլոգիան այժմ սերտորեն կապված է քաղաքական, տնտեսական, իրավունքի, հոգեբանական, մանկավարժական և այլ գիտական ուղղությունների հետ: Միայն համալիր գիտելիքների իմացությամբ է հնարավոր ստեղծել էկոլոգիական ժամանակակից մտածողություն, որը կարող է փոխել մարդու վերաբերմունքը շրջակա բնական միջավայրի նկատմամբ:

Այսպիսով էկոլոգիական դաստիարակությունն ուղղված է բնության, շրջակա միջավայրի մասին հասկացությունների ձևավորմանը, գիտելիքների հարստացմանը, բնության հետ ներդաշնակվելու ձգտման որակների դաստիարակման, դա էլ իր հերթին հարստացնում և ապահովում է ընդհանուր դաստիարակության ողջ գործընթացը: Այն պետք է իրականացնել սկսած վաղ մանկական տարիքից՝ ընտանիքում, նախակրթական հաստատություններում, հանրակրթական դպրոցներում և արտադպրոցական հիմնարկներում:

էկոլոգիական ճանաչողական դաստիարակությունը ավագ սերնդի կողմից դաստիարակության, կրթության, բարոյական որակների ու հոգևոր այլ արժեքների փոխանցումն է մատաղ սերնդին: Նրանց մեջ ձևավորել բնության նկատմամբ պատասխանատու վերաբերմունք, բնօգտագործման կարողություններ ու հմտություններ: էկոլոգիական դաստիարակության հիմնական նպատակը դառնում է բնության նկատմամբ արժեքային ճիշտ կողմնորոշումների, բնապահպանական ընդունակությունների, պատասխանատու վերաբերմունքի, բնության մեջ ճիշտ վարքագծի ունակությունների դրսևորումը և էկոլոգիական կուլտուրայի ձևավորումը: Այսինքն՝ էկոլոգիական ճանաչողական դաստիարակություն ասելով հասկանում ենք երեխային կենդանական և անկենդանին աշպարհի, տարրերի և բնական երևույթների հետ ծանոթացնելով, ուսուցանել, դաստիարակել և գործընթացի

ամբողջական միասնությամբ զարգացնել երեխայի էկոլոգիական կուլտուրայի և աշխարհայացքի ձևավորումը:

Էկոլոգիական գիտակցություն, էկոլոգիական մտածողություն, էկոլոգիական կուլտուրա հասկացությունները նոր են և դեռևս ձևավորման ընթացքի մեջ են:

Էկոլոգիական դաստիարակությունը կազմակերպելիս անհրաժեշտ է հաշվի առնել հետևյալ մոտեցումները.

1. Էկոլոգիական դաստիարակության նպատակն է, որպեսզի մարդը ներդաշնակության մեջ գտնվի ինքն իր, բնության և հասարակության հետ:

2. Կրտսեր դպրոցականների էկոլոգիական դաստիարակության համար, որպես մեթոդաբանական հիմնավորում են դիտվում Բ. Կոմմոնների 4 օրենքները:

17

3. Դասանյութում ներառվել է Կյանքի պահպանման օրենքը. կյանքը կարող է գոյություն ունենալ միայն կենդանի մարմնի միջով նյութի էներգիայի, տեղեկատվության հոսքի շարժման գործընթացում:

4. Էկոլոգիական խնդիրներ մեծամասամբ առաջանում են բնության օրենքների ու օրինաչափությունների մասին մարդու անտեղյակությունից և դրանց հետ չհամաձայնեցված գործունեությունից, որը հետագայում կարող է հանգեցնել նորանոր սխալների:

5. Առարկայի դասավանդումը անհրաժեշտ է կազմակերպել այնպես, որ երեխայի մեջ ոչ թե տազնապ և մարդկանց կամ ընդհանրապես կյանքի, ապագայի նկատմամբ անվստահություն առաջանա, այլ ընդհակառակը՝ լավատեսություն, ինքնավստահություն և կյանքի դժվարությունները կամաց-կամաց հաղթահարելու ցանկություն ու կարողություն:

Մարդկային անհեռատես գործունեությունն իր կործանարար հետևանքներով խոր և անդամնալի փոփոխություններ է առաջացնում Երկիր մոլորակի վրա: Բնական և տեխնածին աղետների հետևանքով մարդկությունը հայտնվել է առավել խոցելի և անպաշտպան վիճակում: Հետագա բացասական զարգացումները կանխելու կամ գոնե նվազագույնի հասցնելու միակ ուղին, արդի բնապահպանական գիտական կանխատեսումների համաձայն, մարդկային կենսակերպի, պահանջմունքների, իչպես նաև բնության հետ փոխհարաբերությունների վերանայված նոր արժեքային գիտակցության և նոր արժեհամակարգի ձևավորումն է:

Աշխարհում օրեցօր զարգանում և կատարելագործվում է տեխնիկան, ստեղծվում են նորագույն տեխնոլոգիաներ, որոնց կիրառության անհրաժեշտությունը չափազանց մեծ է: Իսկ դրանց ստեղծման և կատարելագործման համար (և ոչ միայն դրանց) ամենակարևոր տեղերից մեկը հատկացվում է հենց բարձրամոլեկուլային նյութերին, պոլիմերներին:

## 6. Գրականության ցանկ

1. Ամիրջանյան Յու.-Մանկավարժություն, Երևան, 2005թ.
- 2.Ամիրջանյան Յու.Ա., Պրոբլեմային իրավիճակները ուսուցման պրոցեսի ակտիվացման միջոցներ, Երևան 1975 թ.
- 3.Ասատրյան Լ.Թ.-«Էկոլոգիական դաստիարակության հիմունքներ», Երևան, 2003թ., 52 էջ
- 4.Ասատրյան Լ.Թ., Ավանեսյան Լ.Գ.-«Էկոլոգիական դաստիարակության համակարգը» Երևան, 2003թ.
5. Ասատրյան Լ.Թ., Ա. Սարգսյան-«Նախադպրոցական և կրտսեր դպրոցական տարիքի երեխաների էկոլոգիական կրթությունն ու դաստիարակությունը», Երևան, 2002թ.
6. Շահինյան Ս. Մ. §Էկոլոգիա| Երևան 2003 թ.
7. Մարտիրոսյան Գայանե-«Նախաշավիղ», Երևան, 2010թ.
- 8.Մարտիրոսյան Գայանե-«Էկոլոգիական դաստիարակությունը նախադպրոցական տարիքում», Երևան, 2002թ., 105 էջ
9. Պոլյանսկի Յու. Ի. և ուրիշներ, Ընդհանուր կենսաբանություն, Երևան, 2000 թ
- 10.Մարուխյան Ո.Ջ. Շրջակա միջավայրի պաշտպանությունը ՋԷԿ-երի և ԱԷԿ-ների արտանետումներից: Ուսումնական ձեռնարկ, մաս I, Երևան 2002թ.
11. Մարուխյան Ո.Ջ., Հովսեփյան Ա.Ա, Անձի էկոլոգիական կուլտուրան, Արևիկ 2005թ
12. Թադևոսյան Ա.Վ., Մինասյան Ս.Ա. Մթնոլորտի աղտոտման վերահսկում, Երևան 2004թ.
- 13.Маркачев А. Е., Боровских Т. А., Чернобельская Г. М., Применение метода проектов в школьной практике, 2007.Г №2. С. 34-36.
- 14.Навасарян Сусанна, Саакян Лида, Метод проектирования как средство развития творческих способностей учащихся, М. 2006Г.
15. Ахатов А.Т.-“Экология”, М., 1995г., 245с.
16. Васильбой М.А.-“Праграмма воспитания и обучения в школе”, М, 2006г., 195с
- 17.Верешагина М.А.,Зебзеева-“Особенности знаний дошкольников о многообразии животного мира”, М.2009г.
- 18.Веретникова С.А.-“Ознакомления дошкольника о природой”

19.Дерябо С.Д., Ясвин В.А., Экологическая педагогика и психология, Ростов н/Д, Изд-во Феникс, 1996.

20.Коломина Н.В.В.-“Воспитание основ экологической культуры в школе”,2004г.75с.